



Broj: T 18 0 KTK 00 15146 21
Datum 23.04.2021. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

ALIĆ SENADA ... rođen 1972. godine u mjestu Osatnica, opština Srebrenica ... **lišen slobode dana 23.03.2021. godine u 19,05 časova**

Što je:

Nekoliko dana prije 23.03.2021. pozvao u svoju kancelariju, koja se nalazi u Brčkom, u zgradi Službe za boračko invalidsku zaštitu, Odjeljenja za zdravstvo i ostale usluge Vlade Brčko distrikta BiH, A.S. koji je takođe zaposlen u navedenoj vladinoj službi, ali po Ugovoru o djelu, te mu okrenuo monitor računara i pokazao da je objavljen Javni konkurs za Stručnog savjetnika za javne nabavke u Zavodu za zapošljavanje Brčko distrikta BiH broj :02-410/21 od 25.02.2021. i rekao mu da, ako bude zainteresovan za navedeni posao da mu se javi, da bi ga sutradan prilikom susreta u restoranu koji se nalazi u sastavu benzinske pumpe MB Radić, na llički u Brčkom, pitao da li je spreman platiti za izbor na konkursu, te kada mu je A. to i potvrdio, znajući da je on dugogodišnji uposlenik Vlade Brčko distrikta BiH Odjeljenja za zdravstvo i ostale usluge u Službi za boračko invalidsku zaštitu, kao i to da je dugi niz godina politički aktivan u nekoliko političkih partija i da kao takav sasvim sigurno poznaje dosta uticajnih ljudi u gradu, rekao da na papir napiše svoje ime i prezime i da isti, zajedno sa 150.00 ili 200.00 evra stavi u kovertu i preda njemu, kako bi on tu kovertu predao komisiji za odabir kandidata na navedenom konkursu, a sve sa ciljem kako bi se komisija uvjerila da je „ozbiljan kandidat“, te je od njega tražio da se izjasni koliku je sumu novca spreman isplatiti za sam izbor na navedenu poziciju, a pošto je A. rekao da je spreman platiti 5.000,00 KM, rekao da je to malo za poziciju sa platom od 1.900 KM, te su dogovorili da će se o samom iznosu dogovoriti naknadno, da bi se dana 23.03.2021. godine u kafeu „SPORT VOLEJ 2“, koji se nalazi u Brčkom, u ulici Tina Ujevića br.66, sastao sa A., kojom prilikom mu je kazao da se, vezano za ovaj konkurs, dalje javi R.S., koji je sekretar ... u Brčkom, da bi kada mu je A. namjeravao predati kovertu u kojoj se nalazila suma od 4 novčanice u apoenima od 100.00KM, istom rekao da tu kovertu sa novcem ostavi u pretinac zadnjih lijevih vrata putničkom motornog vozila marke „VW Golf V“, registarskih oznaka ... inače vlasništvo njegove supruge, kojim se on dovezao i koji se nalazio u blizini kafea, što je A. i učinio.

čime je počinio krivično djelo -Primanje dara i drugih oblika koristi za trgovinu uticajem - iz čl. 376.stav (1) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.